

Redovni izvještaj dnevnih događaja i pojava

Izvještaj se odnosi na događaje u vremenskom periodu od 28.03.2025. godine od 08:00 sati do 29.03.2025. godine do 08:00 sati.

Prema podacima kojima raspolaže Kantonalni operativni centar CZ-e, službe od posebnog značaja radile su na izvršavanju svojih redovnih zadataka.

POPLAVE-VODOSTAJI (LP- 2)

Obilne kišne padavine proteklih dana na području našeg Kantona uzrokovale su porast svih vodostaja rijeka i njenih pritoka. Trenutno vodostaji svih rijeka su u blagom opadanju.

Općine Sanski Most i Velika Kladuša 28.03.2025.godine su donijele odluke o proglašenju stanja prirodne i druge nesreće.

Općina Sanski Most

Jutros u 08:00 sati vodostaj rijeke Sane iznosio je 437 cm i od sinoć je u opadanju (početak obavještavanja je 310 cm). Vodostaji rijeke Sane i njenih pritoka premašili su kritične tačke.

Dana 28. 03. 2025.godine, sve rijeke na području Općine Sanski Most su bile u konstantnom porastu cijeli dan, tako da je i maksimalni vodostaj Sane juče u 17 h iznosio 463 cm . Veliki dio područja na području Općine je bio pod vodom zbog izlivanja Sane, Sanice, Blihe, Zdene, Radinovca, Pilješke rijeke, Sasinke. Samim tim su poplavljeni stambeni kao i pomoćni objekti, štale, garaže, ostave itd. Velike površine poljoprivrednih usjeva takođe je pod vodom. Poplavljena su naselja, Skucani Vakuf, Trnova, Šehovci, Poljak, Aganovića Sokak, Alagića Polje, Alagića sokak, Husimovci i Donji Kamengrad i dio Čaplja. Podatke o poplavljenim stambenim objektima će te dobiti u toku današnjeg dana kada budu prohodniji putevi kako bi se kućama moglo prići. Sve raspoložive ekipe su bile 27 i 28-og kao i jutros već na terenu i rade na otklanjanju problema nastalih poplavama. Kasnije u toku dana ćemo vas obavijestiti o trenutnom stanju na terenu i štetama koje su nastale u zadnja 3 dana.

Zbog trenutne situacije i predviđenih vremenskih prilika u narednim danima, zatražili su od Kantonalne uprave civilne zaštite pomoć u materijalno tehničkim sredstvima i ljudskim resursima.

Na prijedlog Općinskog štaba civilne zaštite općine Sanski Most, Općinski načelnik je 28.03.2025.godine donio ODLUKU o proglašenju stanja prirodne i druge nesreće – poplava na području Općine Sanski Most.

Općina Velika Kladuša

Vodostaj rijeke Kladušnice od sinoć je u blagom opadanju trenutno iznosi 222 cm.

Za područje općine Velika Kladuša donesena je ODLUKA O proglašenju stanja prirodne i druge nesreće.

Općina Ključ

Prema trenutno dostupnim informacijama u naseljima Sanica, Velečevo, Dubočani i Humići rijeka Sanica se izlila i poplavila poljoprivredno zemljište. Trenutno nema ugroženih objekata.

Grad Bihać

Jutros vodostaj rijeke Une u 07:00 sati iznosi 90 cm, i u blagom je opadanju.

Grad Bosanska Krupa

Uslijed kišnih oborina došlo je do izlivanja iz korita rijeke Krušnice i potoka Baštra, Bukovska i Kamarica, gdje je poplavljeno poljoprivredno zemljište i pomoćni objekti.

Grad Cazin

Vodostaji rijeka i rječica su u opadanju.

Najveći obim plavljenja poljoprivrednog zemljišta trenutno je u MZ Pjanići i Ćoralići. Stanje je trenutno pod kontrolom, preduzeća i službe su na terenu sa svom raspoloživom mehanizacijom, gdje vrše određene intervencije i stoje na raspolaganju građanstvu. Trenutno nema većih odrona i klizanja tla, osim što je na nekim lokalnim i nekategorisanim putevima došlo do manjih propadanja tla.

Općina Bužim

Zbog prestanka kiše došlo je do opadanja vodostaj svih rijeka i potoka na području općine Bužim. Obilaskom terena i na osnovu stanja na terenu trenutno stanje je zadovoljavajuće.

POŽARI (LP-3)

Tehničke intervencije

Grad Cazin. Vatrogasna jedinica grada Cazina imala je četiri intervencije na ispumpavanju vode iz objekata.

Općina Sanski Most. Vatrogasna jedinica općine Sanski Most je imala više intervencija na ispumpavanju vode iz objekata te je razvozila vreće s pijeskom na područja koja su ugrožena od poplava.

Općina Velika Kladuša. Vatrogasna jedinica općine Velika Kladuša imala je jednu intervenciju na ispumpavanju vode iz objekta.

Vatrogasne jedinice u ostalim općinama/gradovima nisu imale intervencija.

OBLAST SAOBRAĆAJA (prohodnost puteva, drumski i željeznički saobraćaj)

Dodatna opasnost za vozače su učestali odroni kamenja i zemlje, a izdvajamo magistralni put M-4.2 Cazin-Velika Kladuša (u mjestu Donja Lučka) gdje se saobraća otežano jednom trakom.

Na graničnim prelazima nema dužih zadržavanja.

BEZBJEDNOST U SAOBRAĆAJU (LP-7) (saobraćajne nezgode)

Na području USK-a u protekla 24 sata desilo se jedanaest saobraćajnih nezgoda.

Tri lica zadobila su lakše i jedno lice teže tjelesne povrede, te je pričinjena materijalna šteta.

OŠTEĆENJA ELEKTRIČNE MREŽE (LP-18)

Elektroenergetski sistem je stabilan.

OBLAST TELEKOMUNIKACIJA (LP-18)

Telefonske veze funkcioniraju u svim pravcima.

OBLAST VODOSNABDIJEVANJA (LP-18)

Grad Bihać

Zbog povećane mutnoće vode na svim izvorima, koja su u funkciji vodosnabdijevanja grada Bihaća, JP "Vodovod" d.o.o. Bihać preporučuje korisnicima da iz preventivnih razloga prokuhavaju vodu prije upotrebe za piće.

Vodosnabdijevanje u ostalim općinama je zadovoljavajuće.

NEEKSPLODIRANA UBOJNA SREDSTVA –NUS (LP-19)

Nije bilo prijava za NUS-a.

METEOROLOŠKO-HIDROLOŠKA SITUACIJA

U gradu Bihaću u 07:00 sati temperatura je iznosila 8 °C.

Vodostaj rijeke Une iznosi 90 cm, (početak obavještanja je 100 cm).

Padavine: kiša 6,8 l/m².

U općini Sanski Most u 08:00 sati temperatura je iznosila 9 °C.

Vodostaj rijeke Sane iznosi 437 cm i u blagom je opadanju, (početak obavještanja je 310 cm).